

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910399286 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«24» 12 2019թ. 14-4-10863

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս վերանայելով Մուշեղ Զարգանդի Հայրապետյանի դիմումի (ՄԴ/6306-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

OPEL մակնիշի 35 ZP 162 համարանիշի տրանսպորտային միջոցի վարորդը 28.10.2019թ. ժամը 23:58-ին ք. Երևան, Մյասնիկյան պողոտայում հանելով արագաչափ սարքի հնարավոր սխալանքի 10կմ/ժ չափը՝ բնակավայրում գերազանցել է երթևեկության սահմանված արագությունը 4կմ/ժ-ով՝ խախտելով Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի պահանջը, ինչի հետևանքով Սարգիս Ռազմիկի Քոչարյանը Ճանապարհային ոստիկանության թիվ 1910399286 որոշմամբ ենթարկվել է վարչական պատասխանատվության, տուգանքի՝ 4000 ՀՀ դրամի չափով:

Քաղաքացի Մուշեղ Զարգանդի Հայրապետյանը ՀՀ Ոստիկանության ճանապարհային ոստիկանություն դիմում է ներկայացրել՝ հայտնելով, որ վերը նշված թիվ 1910399286 որոշմամբ ամրագրված իրավախախտումը կատարվել է իր կողմից և խնդրել այն վերահասցեագրել իրեն:

Ուսումնասիրությամբ պարզվել է, որ թիվ 1910399286 որոշմամբ արձանագրված խախտումը կատարելու պահին Մուշեղ Զարգանդի Հայրապետյանը տրանսպորտային միջոցը վարել է ուժը կորցրած վարորդական վկայականով, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված է տուգանք՝ 10000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910399286 որոշմամբ ամրագրված ճանապարհային երթևեկության կանոնի խախտումը կատարվել է Մուշեղ Զարգանդի Հայրապետյանի կողմից, նկատի ունենալով, որ խախտումը կատարելիս վերջինս տրանսպորտային միջոցը վարել է ուժը կորցրած վարորդական վկայականով, թիվ 1910399286 որոշումը ենթակա է բեկանման, իսկ Մուշեղ Զարգանդի Հայրապետյանը՝ Վարչական իրավախախտումների վերաբերյալ ՀՀ

օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910399286 որոշումը բեկանել:

2. Գործն ուղարկել ՃՈ ՃՊԾ 1-ին սպայական գումարտակ՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով վարույթ իրականացնելու համար:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Մուշեղ Զարգանդի Հայրապետյանին (հասցեն՝ ք. Երևան, Շահումյան ւ փ., տ. 48), տրանսպորտային միջոցի սեփականատեր Սարգիս Ռազմիկի Քոչարյանին (հասցեն՝ ք. Երևան, Նորագյուղ, տ. 373), ՃՈ ՃՊԾ բաժին և ՏՄՀԽԱ կենտրոն:



Ե. Կարապետյան